

**ZAPISNIK**  
**11. RADNE SJEDNICE SKUPŠTINE KANTONA SARAJEVO**  
**ODRŽANE DANA 30.01.2012.GODINE**

Sjednici prisustvuju poslanici/zastupnici:

**SOCIJALDEMOKRATSKA PARTIJA BIH**

1. Brigić Ivan
2. Crnogorac Branislav
3. Efendić Faruk
4. Fazlija Nedžad
5. Hajdarević Hadžem
6. Malić Mirjana
7. Papo Edina
8. Segmedina - Srna Bajramović
9. Vajzović Hanka

**STRANKA DEMOKRATSKE AKCIJE BIH**

1. Ademović Kemal
2. Alić Haris
3. Čomor Eldar
4. Dževad Hodžić
5. Konaković Elmedin
6. Amor Mašević
7. Zukić Amir

**SAVEZ ZA BOLJU BUDUĆNOST**

1. Ademović Kenan
2. Izudin Bajrović
3. Naser Nabil
4. Rađo Dževad
5. Solaković Adnan
6. Talović Munir

**STRANKA ZA BOSNU I HERCEGOVINU**

1. Mehmedić Besim
2. Mulaosmanović Fikreta
3. Pindžo Mirsad
4. Sabahudin Hodžić

**BOSANSKOHERCEGOVAČKA PATRIOTSKA STRANKA - Sefer Halilović**

1. Backović Zaim

**NAŠA STRANKA- NOVA SOCIJALISTIČKA PARTIJA- Zdravko Krsmanović**

1. Kojović Predrag

## **NARODNA STRANKA RADOM ZA BOLJITAK**

1. Čardžić Damir

### **BOSS- Mirnes Ajanović**

1. Radeljaš Esed

### **SAMOSTALNI POSLANICI/CE**

1. Zeković Enes

2. Jurić Mira

Predsjedavajuća je pozdravila sve prisutne u Sali i pozvala poslanike da odaju poštovanje nedavno preminulim, gospodinu Dragutinu Braci Kosovcu, nekadašnjem gradonačelniku Sarajeva, istaknutom privredniku i antifašisti, i profesoru Nijazu Durakoviću, članu predsjedništva RBiH u najtežima danima agresije na našu zemlju.

Izostanak sa ove sjednice blagovremeno i pismeno su opravdali: Selma Filipović, Danis Tanović i Nermin Pećanac.

Prijedlog dnevnog reda 11. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 19.01.2012. godine.

**Za rad na Jedanaestoj Radnoj sjednici Skupština je, većinom glasova (31 za), utvrdila sljedeći**

### **DNEVNI RED:**

1. Poslanička pitanja, inicijative i odgovori;
2. a) Izveštaj o realizaciji Programa rada Skupštine Kantona Sarajevo za 2011. godinu;  
b) Prijedlog Programa rada Skupštine Kantona Sarajevo za 2012. godinu;
3. Prijedlog zakona o izmjenama i dopunama Zakona o dopunskim pravima boraca - branitelja Bosne i Hercegovine;
4. Prijedlog zakona o održavanju zajedničkih dijelova zgrade i upravljanju zgradom sa Izveštajem o provedenoj javnoj raspravi o Nacrtu zakona o održavanju zajedničkih dijelova zgrade i upravljanju zgradom;
5. Prijedlog zakona o izmjenama i dopunama Zakona o sportu;
6. Nacrt zakona o rudarstvu Kantona Sarajevo;
7. Nacrt zakona o izmjenama i dopunama Zakona o visokom obrazovanju;
8. Prijedlog odluke o davanju saglasnosti Univerzitetu u Sarajevu da Općina Centar Sarajevo utvrdi pravo vlasništva na predmetnom zemljištu u svrhu legalizacije izgrađenog stambenog objekta, uz plaćanje naknade prema procijenjenoj tržišnoj vrijednosti zemljišta;
9. Prijedlog odluke kojom se odobrava prenos dionica "HIDROGRADNJE" d.d. Sarajevo, evidentiranih kod Komisije za vrijednosne papire MB 4200668060009 - ukupan broj dionica 3.792.559 ili 67,0212%, sa Vlade Kantona Sarajevo na Vladu Federacije Bosne i Hercegovine;
10. Prijedlog odluke o izmjenama i dopunama Odluke o usklađivanju statusa DD PD "Butmir" Ilidža, Sarajevo sa Zakonom o javnim preduzećima u Federaciji Bosne i Hercegovine;
11. Prijedlog odluke o izmjenama Odluke o usklađivanju statusa Javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine;

12. Prijedlog odluke o izmjenama Odluke o usklađivanju statusa Kantonalnog šumskog privrednog društva za gospodarenje državnim šumama "Sarajevo-šume" d.o.o. Sarajevo sa Zakonom o javnim preduzećima u Federaciji Bosne i Hercegovine;
13. Prijedlog odluke o izmjenama Odluke o usklađivanju statusa Kantonalnog javnog preduzeća "ZOI '84" – Olimpijski centar Sarajevo d.j.l. Sarajevo sa Zakonom o javnim preduzećima u Federaciji Bosne i Hercegovine;
14. Prijedlog odluke o izmjenama Odluke o usklađivanju statusa Kantonalnog javnog preduzeća Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine;
15. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Vodovod i kanalizacija" d.o.o. Sarajevo sa Zakonom o javnim preduzećima u Federaciji BiH;
16. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Pokop" d.o.o. Sarajevo sa Zakonom o javnim preduzećima u Federaciji BiH;
17. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Rad" d.o.o. Sarajevo sa Zakonom o javnim preduzećima u Federaciji BiH;
18. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Park" d.o.o. Sarajevo sa Zakonom o javnim preduzećima u Federaciji BiH;
19. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Sarajevogas" d.o.o. Sarajevo sa Zakonom o javnim preduzećima u Federaciji BiH;
20. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća za proizvodnju i distribuciju toplotne energije "Toplane - Sarajevo" d.o.o. Sarajevo sa Zakonom o javnim preduzećima u Federaciji BiH;
21. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "Tržnice - pijace" d.o.o. Sarajevo sa Zakonom o javnim preduzećima u Federaciji BiH;
22. Prijedlog odluke o izmjeni Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine;
23. Prijedlog odluke o obaveznoj preventivnoj sistematskoj deratizaciji na području Kantona Sarajevo sa Programom obavezne preventivne sistematske deratizacije na području Kantona Sarajevo koji je sastavni dio odluke;

**Prije prelaska na prvu tačku dnevnog reda, Skupština je, jednoglasno (30 za) potvrdila Zapisnik sa Devete Radne sjednice Skupštine Kantona Sarajevo, održane dana 23. i 29. 11.2011.godine.**

**AD – 1.**

### **Poslanička pitanja, Inicijative i odgovori.**

Dio odgovora na poslanička pitanja, poslanici su dobili uz poziv za sjednicu, dio u dopunskom materijalu, a dio odgovora, poslanicima je uručen pred početak sjednice.

Prije postavljanja poslaničkih pitanja i pokretanja poslaničkih inicijativa, pojedini poslanici su izrazili nezadovoljstvo na odgovore koje su dobili, odnosno na odgovore koje nisu dobili. Prvi nezadovoljni poslanik bio je Dževad Rađo, koji je naglasio da od Druge sjednice Skupštine Kantona nije dobio odgovor na postavljena pitanja. Poslanik je naveo pitanja i inicijative koje je pokrenuo na prethodnim sjednicama, a na koje nije dobio nikakav odgovor. Sljedeći poslanik koji je imao primjedbu, bio je poslanik Zaim Backović, koji je također naglasio da je ostao uskraćen za odgovore na ukupno 36 poslaničkih pitanja.

Poslanik Branislav Crnogorac je izrazio nezadovoljstvo jer se na njegova pitanja odgovorilo djelomično, pa je svoje pitanje od prošle sjednice ponovio i naglasio da želi da mu ministarstva koja to nisu učinila, promptno odgovore: „Uvriježeno je mišljenje da su delegatske plaće visoke. Ja bih želio da znam kako iste izgledaju u komparaciji sa plaćama uposlenika u javnim preduzećima i javnim ustanovama. Želio bih da se upoznam sa iznosima plaća primanja i to sa iznosima po konkretnim pozicijama, prosječna plaća uposlenika, plaća higijeničarke, direktora, sektora generalnog direktora, sekretara, menadžera itd. Nadalje, interesuje me i broj menadžerskih ugovora u javnim ustanovama i javnim preduzećima. Bilo bi mi značajno i mišljenje resornih ministara o neophodnosti ovih ugovora. Također, bih želio da se upoznam sa nadoknadama predsjednika i članova nadzornih odbora upravnih odbora i Skupština u javnim preduzećima i javnim ustanovama.“

Poslanik Besim Mehmedić je pohvalio ministarstvo koje je dalo odgovor na njegovo pitanje, ali je i istakao da nije zadovoljan odgovorom na pitanje koje se odnosi na spriječavanje sive ekonomije u Kantonu Sarajevo.

Poslanica Hanka Vajzović istakla je da je na jednu njenu inicijativu od prošle sjednice odgovorilo Ministarstvo stambene politike, ali ne baš zadovoljavajuće, dok se o drugoj inicijativi Vlada nije očitovala još uvijek.

Posljednji prijavljeni za komentar, poslanik Naser Nabil se osvrnuo na situaciju oko poslaničkih pitanja, na koja se, po njemu, ne daju odgovori na vrijeme, a ukoliko se daju, onda su oni nezadovoljavajući. Poslanik je podsjetio na pitanje koje je bilo upućeno ministru Abidu Jusiću.

**Poslanik Damir Čardžić**, podsjetivši na Tematsku sjednicu Skupštine vezanu za rješavanje problema u JKP "GRAS" i na Zaključke koji su doneseni, je **postavio sljedeće poslaničko pitanje** : "Da li se Zaključci ovog doma poštuju, obzirom da iz medija stižu informacije da ništa od predloženog nije ispoštovano i da je račun JKP "GRAS" blokiran?"

**Poslanik Amir Zukić** je podsjetio na već poodavno pokrenutu inicijativu za donošenje novog roka za legalizaciju bespravno izgrađenih objekata sa jasnom naznakom da se pojednostavi postupak ljudi koji treba da završe legalizaciju, te naglasio da očekuje ponuđenu inicijativu u formi Prijedloga odluke. Nadalje, konstatujući da je demografska situacija loša, te da je pitanje mortaliteta i nataliteta BiH jedno od bitnijih pitanja za koja se ne poduzimaju mjere i aktivnosti, a u smjeru Izmjena i dopuna Zakona o porodijskom odsustvu, pokrenuo je **sljedeću zastupničku inicijativu**:

"Da se jasnije i konkretnije podrže majke porodilje, koje rađaju djecu i to u cilju da dobiju novčanu naknadu odmah na početku, odmah po rođenju od 5.000 KM, žene koje rode drugo dijete 10.000 KM, a osobe koje rade, da cijeli porodijski odnos primaju od poslodavca puni mjesečni iznos plate kako bi se stvorio veći fond za one koji ne rade da bi mogle kvalitetniju naknadu primati. Isto tako, majke koje rađaju četvrto, peto dijete, da imaju pravo na penziju i to u iznosu od najmanje dvije prosječne plate."

Informišući da novoizgrađeno naselje Šip broji oko 6000 stanovnika i da je u ovom naselju predviđena lokacija za osnovnu školu i igralište, **poslanik Dževad Hodžić** pokrenuo je **sljedeću inicijativu** : "Da se ne čeka izgradnja škole i da se za potrebe djece izgradi igralište da bi djeca imala mogućnost za sportske aktivnosti."

**Poslanik Nedžad Fazlija, postavio je sljedeće poslaničko pitanje**: „Molim Ministarstvo kulture i sporta da mi dostavi spisak istaknutih samostalnih umjetnika koji koriste pravo na uplatu doprinosa od strane Kantona Sarajevo za penzijsko-invalidsko osiguranje i zdravstveno osiguranje i od kada koriste to pravo."

Naglasivši da se iz medija moglo saznati da je Zakon o osnovnom obrazovanju koji je Skupština usvojila upućen na ocjenu ustavnosti, **poslanik Elmedin Konaković je postavio sljedeće pitanje**: "Ko je, ako jeste, i iz kojih razloga isti uputio u navedenu proceduru?" Nadalje, podsjetivši da je na sjednici Kolegija na kojoj su se predlagali zaključci o stabilizaciji stanja u GRAS-u dogovoreno da će se jednom mjesečno održati sjednica Kolegija posvećena analizi realizacije Zaključaka na ovu temu, a kako u januaru ista nije održana, **poslanik je pokrenuo inicijativu**: "Da Kolegij odredi tačan datum Kolegija, te da se definišu datumi održavanja Kolegija za februar i naredne mjesece, a vezano za stepen realizacije Zaključaka o GRAS-u."

Podsjetivši na Zakon o osnovnom odgoju i obrazovanju koji je usvojen na nekoj od prethodnih sjednica Skupštine Kantona, **poslanik Haris Alić, postavio je sljedeća poslanička pitanja**: "Da li se zakon uopšte primjenjuje? Da li se primjenjuje u potpunosti? Da li se primjenjuje djelimično, u pojedinim segmentima?"

**Poslanik Predrag Kojović je postavio sljedeće poslaničko pitanje** : "Molim vas da mi do sljedeće sjednice u pisanoj formi dostavite broj, imena i prezimena i stručne kvalifikacije svih kadrova, u svim ministarstvima koji su u posljednjih godinu dana primljeni kao savjetnici i stručni saradnici." U skladu sa inicijativom koju je pokrenuo prije više od godinu dana, a kojom bi se ukinula diskriminacija prema sugrađanima i sugrađankama koji se ne izjašnjavaju kao Bošnjaci, Srbi i Hrvati, i o kojoj se Vlada još uvijek nije izjasnila, **poslanik je postavio pitanja premijeru Kantona**: "Da li se Vi i vaša partija zalažete za ukidanje diskriminacije prema Ostalima? Šta konkretno i do kada (vi sami izaberite rok) planirate učiniti da se u Kantonu Sarajevo ukine diskriminacija po osnovu etničke pripadnosti?"

**Poslanik Eldar Čomor je pokrenuo inicijativu** za nabavku pribora i opreme Klinici abdominalne hirurgije KCUS-a, za transplantaciju jetre.

„Klinika za abdominalnu hirurgiju je u svom tercijarnom dijelu visoko diferencirane zdravstvene zaštite pored svih potrebnih segmenata kadrovski spremna za segment transplantacije jetre. Naime, još prije dvije godine educiran je kadar u inostranstvu za transplantacionu i eksplantacionu hirurgiju jetre. Oni napominju da zbog nemogućnosti transplantacije jetre u BIH godišnje umire preko stotinu bolesnika. S obzirom na porast malignih oboljenja jetre, taj broj se svakim danom uvećava. Od toga broja samo se kod dva do tri bolesnika sredstvima donacija uradi transplantacija jetre u inostranstvu, a ostali su osuđeni na smrt. Jer cijena takvog zahvata u inostranstvu iznosi preko 200.000 eura, što je nedostižno i za državu i za bolesnike. Naime, formiran je inicijalni tim za transplantaciju jetre koji će pokriti sve potrebne segmente u nivou struke za transplantaciju jetre. Planiraju se i transplantacije drugih organa, pankreasa, crijeva, koštane srži itd. Nažalost klinika i KCUS nemaju sredstava za nabavku potrebnog pribora, potrebne aparature, te instrumenata za taj

zahvat, a cijena iznosi oko 200.000 KM. Oni mole za podršku i finansijsku podršku ovom projektu radi nabavke potrebnog pribora i opreme koji bi u ovom odsutnom trenutku omogućio transplantaciju jetre neophodno potrebnu populaciji BiH i mnogo širem regionu i zadovoljio potrebe za ovim značajnim segmentom hirurške djelatnosti. Oni također napominju da bi dio tih aparata imao potrebu za svakodnevnom primjenom u svim segmentima hirurške djelatnosti. Naročito kod teških bolesnika.“

**Poslanik Zaim Backović**, pokrenuo je **sljedeće zastupničke inicijative**:

"Da se obilježe četiri mjesta koja su od krucijalnog značaja za odbranu ovog grada i države. Prvo mjesto je kuća u Hrasnici u kojoj je usvojena strategija odbrane BIH. Mjesto okupljanja tog malog broja ljudi koji su dobili informaciju o početku bombardiranja Sarajeva, 05.04.1992.godine, a to je Društveni dom na Kovačima, u nekada Sandžačkoj, danas Džininovoj ulici. Treće mjesto, to je ambulanta na Bjelavama. I četvrto, to je mjesto, restoran Opštine Centar u kojem je sjedio Operativni štab i Glavni štab ARBIH. To su četiri mjesta koja su potpuno zaboravljena kao istorijska mjesta."

"Da se odustane od onoga gdje nisu riješeni pravno-imovinski odnosi, a gdje se može promptno reagirati i dodijeljivati koncesiono ili na bilo koji drugi način mogućnost izgradnje javnih parkirališta ili garaža kako bi se rasteretio ovaj grad. MZ Čengić Vila II ima 862 stambene jedinice, ima preko 900 registriranih automobila, a ima samo 200 parking mjesta. Parking kao takav je i plato, i ne vidimo razloga zašto se ne bi dozvolila gradnja etažne garaže."

"Da se reaguje promptno, obzirom na Izmjene i dopune Regulacionog plana sa kojim mještani nisu upoznati ili stanovnici MZ nisu upoznati, umjesto trgovki predviđene su ispred sadašnjih zgrada desetospratnice. To je urađeno u zadnjih nekoliko mjeseci. Planirane su desetospratnice, a već ima 862 stambene jedinice." "Da se izmjestite objekti koji u blizini škola, a u kojima se prodaju cigarete i alkohol, te objekti kockarnica, obzirom da je po zakonu zabranjena prodaja cigareta i alkohola u neposrednoj blizini škola. "

Informišući od stanju u kojem se nalaze kulturne institucije od državnog značaja poslanik **Branislav Crnogorac**, pokrenuo je sljedeću **inicijativu**:

„da Ministarstvo kulture i sporta Kantona Sarajevo uputi apel resornim ministarstvima ostalih Kantona, entitetskim i Ministarstvu civilnih poslova, da slijede primjer Kantona Sarajevo i da pomognu institucije kulture BIH, te da insistira da se konačno riješi status ovih institucija i da se donesu neophodni zakoni na nivou države koji regulišu ovu oblast.“

**Poslanik Izudin Bajrović**, pokrenuo je poslaničku **inicijativu** prema Ministarstvu kulture i sporta: „Mislim da je vrijeme da se pristupi izmjenama Zakona o pozorištu koji je na snazi i koji umjetnike, odnosno uposlenike pozorišta, zaposlene na umjetničkim radnim mjestima, dovodi u neravnotežan položaj u odnosu na ostale uposlenike. Naime, kao što je poznato, ili nije poznato, umjetnicima u pozorištu nije moguće da zasnivaju radni odnos na neodređeno vrijeme, već radni odnos zasnivaju ugovorom na dvije godine, sve do navršenih 18 godina radnog staža, što umjetnike dovodi u neravnotežan položaj u odnosu na druge uposlenike i što nije u skladu sa Zakonom o radu. Ovakva zakonska regulativa ne donosi ništa dobro ni umjetnicima ni pozorištima. A može odgovarati jedino upravama pozorišta koje mogu produžiti ili ne produžiti ugovor sa uposlenikom bez ikakvog obrazloženja i bez ikakve obaveze što otvara velike mogućnosti za manipulacije, pa i za mobing nad uposlenicima.“

Podsjetivši da je u Službenim novinama Kantona Sarajevo od 25.maja 2011.godine objavljena Odluka o zaduženju kod Razvojne banke FBIH u iznosu od 5.000.000,00 KM, u kojoj u tački 7. stoji da se "za implementaciju projekata i praćenje realizacije ove Odluke zadužuju resorna ministarstva, a i Ministarstvo finansija KS, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona Sarajevo", **poslanik Besim Mehmedić postavio je sljedeće poslaničko pitanje:** "Kada će Skupština Kantona dobiti polugodišnji izvještaj o implementaciji i realizaciji Odluke o zaduženju kod Razvojne banke Federacije Bosne i Hercegovine po kojoj se Kanton Sarajevo zadužio za kredit u iznosu od 5.000.000,00 KM?"

**Poslanik Nabil Naser** pokrenuo je **inicijativu** prema Vladi i resornom ministarstvu da podrže projekat „StudID“ uz obrazloženje:

„Naime, svima nama je poznato da u svim državama u svijetu mnoge Vlade i institucije, vladine institucije pomažu lokalnu zajednicu koje su svojim radom i angažmanom uključene u razvoj studentskih standarda. Dakle, kako akademskih tako i životnih. Pri čemu taj ostvareni kontakt između studenata i države stvara pozitivan ambijent i jača naravno uzajamno povjerenje, odnosno partnerstvo. Saradnja između Vlade, odnosno resornog ministarstva i svim nevladinim organizacijama bi trebala da počiva na jačanju povjerenja i partnerstva između. Ovdje imamo jednu krasno udruženje to je STUD AID, naime to je akronim za studentski identifikacioni dokument koje predstavlja jedinstveno udruženje iz Sarajeva i predstavlja organizirano društvo koje se interesuje za bolji standard življenja studenata u cijeloj BiH. Dakle, STUDID Udruženje studentske predstavnike i predstavnike studentskih interesnih grupa sa ciljem da zastupa interese studenta, uređuje i pitanja od zajedničkog značaja, u skladu sa zakonima BiH, te doprinosi poboljšanju studentskih i socijalnih odnosa kao i da razvija druge interesne aktivnosti studenata. Udruženje djeluje u interesu razvoja i napretka kvaliteta studija i standarda studentskog života na univerzitetima u BiH. Kao i razvoju naučne misli te drugih pitanja od značaja za položaj studenata na univerzitetima unutar BiH. Ovo udruženje je zapravo počelo sa radom u junu 2010 godine i do sada imaju već 6000 studenata registrirano od ukupno i procijenjenih 100.000 studenata unutar BiH i već su realizirali jako dobre projekte.“

**Poslanik Adnan Solaković**, pokrenuo je **sljedeću inicijativu:** "Da se Opština Stari Grad Sarajevo proglasi herojskom opštinom, iz razloga što je Opština Stari Grad prva u državi organizovala otpor na čelu sa Zelenim beretkama, policijom Stari Grad, teritorijalnom odbranom i stanovništvom Opštine, koji su dali svoj doprinos u organizaciji otpora agresoru 1991-1995.godina."

Konstatujući da je pitanje životne sredine i životnog okoliša jedno od fundamentalnih pitanja naše budućnosti, osobito kada su u pitanju vode, poslanik **Hadžem Hajdarević** pokrenuo je **sljedeću zastupničku inicijativu:** "Da se organizuje proslava Svjetskog dana voda i da se upriliči akademija pod pokroviteljstvom Kantona Sarajevo i da to bude 22. marta na Dan voda. U tom smislu bi bilo dobro organizirati radnu sedmicu voda u Kantonu Sarajevo i to da bude svake godine u drugoj sedmici mjeseca maja, gdje bi bilo obavljeno čišćenje, uređenje vodotoka, predavanje o zaštiti voda, stručne radionice i druge aktivnosti, osobito kada su u pitanju školska i studentska omladina. Tu bi trebali da budu uključeni grad, općine, mjesne zajednice, sve škole u Kantonu Sarajevo, pravni subjekti, nevladine organizacije, mediji i ostali, i da svako da onoliko koliko je u mogućnosti. Sve ove aktivnosti bi vodio poseban organizacioni odbor bez ikakve finansijske naknade. U tom smislu, molim da se o tome povede nekako računa i da ova inicijativa bude prihvaćena u mjeri u kojoj razumijevamo ozbiljnost pitanja vode i životnog prostora."

Poslanik **Kenan Ademović**, postavio je **sljedeća poslanička pitanja**:

Nakon razgovora sa uposlenicima Centra Skenderija želim postaviti sljedeća pitanja: "Ko i zašto blokira izbor generalnog direktora kada su istekli svi zakonski rokovi za njegovo postavljenje? Ko i zašto već treći put produžava funkciju VD generalnog direktora gospodina Alije Isovića, koji je bio na čelu NO, a već četvrtu godinu drži u gubitku? Dokle je došlo sa istražnim radnjama koje su vođene u vezi sa kriminalnim radnjama odgovornih lica Centra Skenderija i zašto se ne rješava problem 150 zaposlenika Skenderije koji su u izuzetno nezadovoljni postojećim stanjem koje je iza sebe ostavio bivši generalni direktor gospodin Džindo Suad i Alija Isović?"

Nadalje, poslanik je uputio pitanja ministru Emiru Suljagiću. Nakon razgovora sa studentima Farmaceutskog fakulteta koji su me obavijestili o mogućim nezakonitim radnjama koji su bili gosti SBB-a molim ministra Suljagića da meni i svima nama odgovori na sljedeća pitanja:

„Da li je ministar Suljagić upoznat sa situacijom na ovom fakultetu, tj. odnosom dekanese i ostalih uposlenih? Da li je tačno da dekanesa gospođa Elvira Kovač-Bešović pokušava da dobije treći mandat kao dekan iako je to protuzakonito a u toj nezakonitoj radnji joj pomažu i političke partije, a po nekim indicijama najviše SDA? Da li je tačno da uposlenicima ovog fakulteta nisu uplaćeni doprinosi za penziona od 2002 do 2010 godine, a u isto vrijeme je gospođa Kovač bila dekanesa fakulteta? Da li je tačno da je gospodin Sulejman Redžić dobio raskid ugovora o radu jer nije dao prolaznu ocjenu sinu dekanese gospođe Kovač-Bešović? Da li postoje profesori od 80 godina koji ocjenjuju studente? Da li je tačno da se mentorstvo dodjeljuje onima koji nisu izabrani za datu naučnu oblast? Ako je tako ko će snositi posljedice takvog ponašanja? I na kraju molim da se provjeri sastav komisija za ocjenu podobnosti i odbranu magistarskih radova sa aspekta naučnih oblasti iz kojih se ti radovi brane i članova komisija tj. naučnih oblasti za koje su ti članovi izabrani? Studenti smatraju da se ovdje radi o katastrofi. Da li će Ministarstvo dozvoliti da gospođa Kovač – Bešović, vjerovatno uz podršku nekih političkih partija ,privatizuje Farmaceutski fakultet?"

Informišući da je nedavno uočio novi program na računaru koji koristi Klub zastupnika Stranke za BiH u Skupštini Kantona, te da je dobio informaciju da je program instaliran na svim računarima u Kantonu Sarajevo i da je pomoću tog programa moguće kontrolirati apsolutno sve što se radi na računaru (pisanje teksta, skidanje podataka sa svakog računara, sa USB-a, sa CD-a, čitanje e-mail-ova i sl.), **poslanik Mirsad Pindžo postavio je sljedeće poslaničko pitanje**: "Po čijoj odluci ili nalogu je na svim računarima u Kantonu Sarajevo, umreženim u Zavedu za informatiku i statistiku KS instaliran program "Agent", s kojim ciljem i da li postoji mogućnost zloupotrebe?"

Podsjetivši da je Vlada donijela Zaključak o obustavi primanja novih uposlenika u javna preduzeća i javne ustanove bez odobrenja Vlade, a da je evidentno da se svakodnevno upošljavaju novi radnici i to bez konkursa dok rijeke nezaposlenih mladih ljudi čekaju na posao, poslanik **Sabahudin Hodžić postavio je sljedeće pitanje**: "Koliko je u zadnjih šest mjeseci primljeno novih uposlenika u Javna preduzeća, Javne ustanove i ministarstva u Kantonu Sarajevo?"

Poslanik **Munir Talović**, postavio je sljedeća **poslanička pitanja**:

„ Da li Vlada Kantona zna da bazen na Fakultetu sporta i tjelesnog odgoja ne radi od 1992 godine? Bazen u kojem su sarajlije, a posebno studenti UNSA naučili plivati. Za par mjeseci će biti punih 20 godina od kako je bazen van upotrebe. Siguran sam da zna, jer je 2/3 sredstava za njegovu rekonstrukciju obezbijedila upravo jedna od prethodnih Vlada Kanton Sarajevo u prethodna dva mandata. To je bio dobar potez i očekivalo se da će sarajlije dobiti



ponovo stari dobri poznati bazen na DIF-u. Međutim zadnje četiri godine, prethodna Vlada je zaboravila na započetu investiciju i ostavila bazen u najgorem stanju. U stanju gdje veliko otvoreno gradilište, locirano u sredini zgrade fakulteta gubi silnu energiju zato što nije zatvoreno i na ovom minusu ubija svaki pokušaj grijanja ostatka zgrade. Materijalni troškovi fakulteta od ministarstva obrazovanja su cca 10.000 KM za jedan mjesec, a samo račun za plin je preko 20.000 KM za pojedine mjesece kada je jako hladno. Istu praksu je nastavila i ova vlada projektujući do sada dva budžeta a da niti jedan fening nije planirala za nastavak započete rekonstrukcije bazena. Moje pitanje za vladu glasi: ima li ova Vlada u svom planu ili pak u vidu u eventualnom rebalansu ovog i preostala dva budžeta ili na bilo koji drugi način započetu rekonstrukciju bazena na Fakultetu sporta i tjelesnog odgoja? Ako je odgovor da, a iskreno se nadam da jeste, onda bih zamolio da to bude što je moguće prije. Nedovršeno gradilište usred zgrade fakulteta pored toga što pravi nove troškove, može biti i eventualno opasnost po bezbojnost sutedenata i uposlenika. Zato možete ovo smatrati jednom vrstom upozorenja ako pak odgovor kao do sada bude ne. I jedno pitanje za sve nas, kakvi smo to domaćini kada nam kuća nakon 20 godina kisne i propada dalje?“

**Dopredsjedavajući Ivan Brigić**, pokrenuo je **sljedeće zastupničke inicijative**: "Obzirom da ima tumačenje Ustavne komisije Zastupničkog doma Parlamenta Federacije BiH u kome se kaže da se provođenje odluke Suda u Strazburu može provoditi u Federaciji neovisno od toga šta je urađeno na nivou države, da Ministarstvo pravde i uprave i Vlada Kantona koji imaju mišljenje Ustavne komisije Skupštine Kantona, pripreme prijedloge i u roku od 15 dana u skladu sa procedurom za promjene, sačine amandmane na Ustav Kantona Sarajevo i iste upute u skupštinsku proceduru."

"Da Vlada Kantona na svojoj sjednici razmatra Informaciju ili Izvještaj o provođenju Odluka Ustavnog suda Federacije BiH., obzirom da postoje četiri Odluke Ustavnog suda i dva rješenja. Za neprovođenje tih odluka se krivično odgovara, i to ne organ, nego pojedinac, što je u ovom slučaju premijer Vlade Kantona."

Usmene odgovore na pojedina pitanja poslanika, dali su: ministar Ivica Šarić, ministar Abid Jusić, ministar Čedomir Lukić, ministar Emir Suljagić, ministar Nedžad Ajnadžić i premijer Kantona Fikret Musić. Njihovo obraćanje je sastavni dio Stenograma ove sjednice.

## **AD – 2.**

### **a) Izvještaj o realizaciji Programa rada Skupštine Kantona Sarajevo za 2011. godinu**

### **b) Prijedlog Programa rada Skupštine Kantona Sarajevo za 2012. godinu**

Izvještaj kao i Prijedlog Programa rada, poslanici su dobili uz poziv za sjednicu. Također su dobili i Pregled nerealizovanih tema iz Programa rada Skupština Kantona Sarajevo za 2011.godinu. Izvještaj o realizaciji Programa rada Skupštine Kantona Sarajevo za 2011. godinu sačinio je Kolegij Skupštine Kantona Sarajevo i isti usvojio na sjednici održanoj dana 19.01.2012.godine.

Predsjedavajuća Mirjana Malić je informisala o Izvještaju o realizaciji Programa rada Skupštine Kantona Sarajevo za prošlu godinu, te o Programu rada Skupštine za 2012.godinu. Ono što je predsjedavajuća dodatno naglasila, odnosilo se na Zaključak Kolegija o izvještajima Skupština Kantonalnih komunalnih preduzeća kojima Skupština Kantona

gospodari, a koji će u narednom periodu dolaziti na dnevni red kao tačke, a ne u obliku informacija.

Prvi učesnik u raspravi koji je postavio pitanje bio je poslanik Zaim Backović, nakon njega to je učinio i poslanik Branislav Crnogorac, zatim poslanik Elmedin Konaković, poslanik Haris Alić i poslanik Besim Mehmedić.

**Predsjedavajuća je u diskusiji naglasila da u zapisnik uđe sljedeće:** „Svi poslanici u ovoj Skupštini, kao i u svakom drugom nivou zakonodavne vlasti imaju pravo da sami predlažu, da sami donose prijedloge zakona, izmjene dopune itd.“

Prijavljenih za raspravu više nije bilo, pa je predsjedavajuća pozvala poslanike na izjašnjavaње o **Izveštaju o realizaciji Programa rada Skupštine Kantona Sarajevo za 2011. Skupština je, većinom glasova (21 za i 1 suzdržan) usvojila Izveštaj o realizaciji Programa rada Skupštine Kantona Sarajevo za 2011.**

Prije izjašnjavaња za Program rada ministar unutrašnjih poslova Muhamed Budimlić se obratio Skupštini i njegovo izlaganje je sastavni dio Stenograma ove sjednice.

**B) Skupština se, većinom glasova (23 za i 5 protiv) obavezala usvajanjem da će realizirati Program rada Skupštine Kantona Sarajevo za 2012. godinu.**

Premijer Kantona Fikret Musić se obratio Skupštini dajući dodatna pojašnjenja i njegovo obraćanje je u Stenogramu ove sjednice.

*USLIJEDILA JE KRATKA PAUZA U RADU SKUPŠTINE*

**AD – 3.**

### **PRIJEDLOG ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE**

Predsjedavajuća je informisala o amandmanima Klubova SDA, SDP i Stranke za BiH, koji su protokolisani sa istim datumom, međutim, tehničkom omaškom izostavljeni su amandmani Kluba zastupnika SBIH o kojima se Vlada nije izjasnila. Predsjedavajuća je predložila da se Vlada povuče na kratko, te da se izjasni o istim, kako bi Skupština nastavila sa radom.

*USLIJEDILA JE PAUZA U RADU SKUPŠTINE*

**AD – 3. NASTAVAK**

### **PRIJEDLOG ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE**

Prijedlog ovog zakona poslanici su dobili uz poziv za sjednicu. Amandmane Klubova poslanika SDA, SDP i S BiH po ovom Prijedlogu poslanici su dobili pred početak sjednice, a

Stavove Vlade i njihovo očitovanje po amandmanima na početku zasjedanja i u toku ove pauze.

Uvodno izlaganje ministra za boračka pitanja Nedžada Ajnadžića je sastavni dio Stenograma ove sjednice.

Učesnici u diskusiji koja je uslijedila bili su poslanici Adnan Solaković, Fazlija Nedžad, Faruk Efendić, Naser Nabil i Amor Mašović, koji su kroz diskusiju obrazložili svoje stavove, te postavili pitanja za ministre.

Ministar finansija Muhamed Kozadra, ministar za boračka pitanja Nedžad Ajnadžić i premijer Kantona Fikret Musić, su u okviru svojih nadležnosti dali odgovore na pitanja poslanika, i njihovo izlaganje je sastavni dio Stenograma ove sjednice.

Nakon izlaganja resornih ministara i premijera, poslanici Amor Mašović, Nedžad Fazlija, Enes Zeković, Elmedin Konaković, Faruk Efendić, Zaim Backović, Segmedina Bajramović – Srna, Naser Nabil, Damir Čardžić, Besim Mehmedić i Dževad Rađo, neki u okviru replika, a neki javljajući se po prvi put, kroz širu i kraću diskusiju dali su svoje komentare, te postavili dodatna pitanja za ministre.

Ministar za boračka pitanja Nedžad Ajnadžić u svojoj široj diskusiji je dao odgovore na pitanja poslanika i njegova diskusija je sastavni dio Stenograma ove sjednice.

Naredna diskusija vodila se oko sadržaja amandmana SDP-a, i na tu temu diskutovali su poslanik Elmedin Konaković, poslanik Fazlija Nedžad, zatim dopredsjedavajući Ivan Brigić koji je replicirao poslaniku Konakoviću. Nadalje, u diskusiju su se uključili poslanik Dževad Rađo, poslanik Amir Zukić, poslanik Eldar Čomor i poslanik Enes Zeković, dajući svoje komentare.

Ministar finansija Muhamed Kozadra i ministar za boračka pitanja Nedžad Ajnadžić su se obratili poslanicima u Skupštini, te dali odgovore na postavljena pitanja.

Predsjednik SRVI Kanton Sarajevo Zijad Bradić se obratio Skupštini i njegovo izlaganje je u Stenogramu ove sjednice.

Nakon što je predsjedavajuća Malić pozvala poslanike na izjašnjanje po amandmanima, poslanik Fazlija Nedžad je zatražio pauzu od 15 minuta.

#### NASTAVAK NAKON PAUZE

Poslanik Nedžad Fazlija je na zahtjev predsjedavajuće dao obrazloženje za traženu pauzu, te u kraćoj diskusiji dao pojašnjenja oko amandmana SDP-a koje su odlučili povući. Nakon njegovog izlaganja, uslijedila je kraća diskusija poslanika Zaima Backovića i poslanika Dževada Rađe.

Predsjedavajuća Malić je informisala oko amandmana, naglasivši da je Klub SDP-a svoje amandmane povukao i da je Klub poslanika SDA-a prihvatio preformulaciju njihovog amandmana koji je dala Vlada, te da se o istim Skupština neće izjašnjavati.

Usljedilo je izjašnjavanje po amandmanima Kluba poslanika SBIH.

## **KLUB POSLANIKA STRANKE ZA BIH**

### **AMANDMAN I**

**U ČLANU 15. STAVOVI 3. I 4. SE BRIŠU.**

**Skupština sa 13 glasova za, 15 suzdržanih i 2 protiv, nije prihvatila Amandman I Kluba poslanika SBIH.**

### **AMANDMAN II**

**U ČLANU 5. STAV 1. SE BRIŠE.**

**Skupština sa 13 glasova za, 16 suzdržanih i 2 protiv, nije prihvatila Amandman II Kluba poslanika SBIH**

Nakon izjašnjavanja o amandmanima, predsjedavajuća Skupštine je pozvala poslanike da pristupe izjašnjavanju o PRIJEDLOGU ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE.

**Nakon rasprave i izjašnjavanja o amandmanima, Skupština je jednoglasno (29 za) DONIJELA ZAKON O IZMJENAMA I DOPUNAMA ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE, BEZ AMANDMANA SEM ONOGA ŠTO JE VLADA PRIHVATILA KAO SVOJ SASTAVNI DIO, BEZ AMANDMANA SEM ONOGA ŠTO JE VLADA PRIHVATILA KAO SVOJ SASTAVNI DIO.**

**AD – 4.**

**PRIJEDLOG ZAKONA O ODRŽAVANJU ZAJEDNIČKIH DIJELOVA ZGRADE I UPRAVLJANJU ZGRADOM SA IZVJEŠTAJEM O PROVEDENOJ JAVNOJ RASPRAVI O NACRTU ZAKONA O ODRŽAVANJU ZAJEDNIČKIH DIJELOVA ZGRADE I UPRAVLJANJU ZGRADOM**

Prijedlog ovog Zakona poslanici su dobili uz poziv za sjednicu.

Uvodno izlaganje ministra stambene politike Čedomira Lukića je sastavni dio Stenograma ove sjednice.

Jedini prijavljeni za diskusiju po ovoj tački dnevnog reda, bili su poslanik Predrag Kojović, koji je pohvalio način na koji je sprovedena javna rasprava, te dao punu podršku ovom Zakonu i poslanica Segmedina Srna Bajramović, koja je se nadovezala na diskusiju poslanika Kojovića također dajući podršku ovom Zakonu.

**Skupština je, većinom glasova (27 za, 1 suzdržan i 3 protiv) DONIJELA ZAKON O ODRŽAVANJU ZAJEDNIČKIH DIJELOVA ZGRADE I UPRAVLJANJU ZGRADOM SA IZVJEŠTAJEM O PROVEDENOJ JAVNOJ RASPRAVI O NACRTU ZAKONA O ODRŽAVANJU ZAJEDNIČKIH DIJELOVA ZGRADE I UPRAVLJANJU ZGRADOM**

Ministar stambene politike Čedomir Lukić se obratio Skupštini i njegovo obraćanje je u Stenogramu ove sjednice.

**AD – 5.**

### **PRIJEDLOG ZAKONA O IZMJENAMA I DOPUNAMA ZAKONA O SPORTU**

Prijedlog ovog Zakona poslanici su dobili uz poziv za sjednicu.

Uvodno izlaganje ministra kulture i sporta Ivice Šarića je u prilogu Stenograma.

Poslanik Elmedin Konaković bio je jedini prijavljeni za raspravu, te je u svojoj kraćoj diskusiji dao podršku ovom Zakonu.

**Skupština je, većinom glasova (26 za i 1 protiv) DONIJELA ZAKON O IZMJENAMA I DOPUNAMA ZAKONA O SPORTU.**

Ministar Ivica Šarić se kratko obratio Skupštini i zahvalio se na podršci i nakon njegovog obraćanja poslanik Zaim Backović je uputio par sugestija ministru Šariću.

**AD – 6.**

### **NACRT ZAKONA O RUDARSTVU KANTONA SARAJEVO**

Nacrt ovog Zakona poslanici su dobili uz poziv za sjednicu.

Uvodne napomene podnio je ministar privrede Rusmir Sendić i one su sastavni dio stenograma ove Sjednice.

Poslanik Besim Mehmedić kao jedini prijavljeni za raspravu, postavio je pitanje ministru privrede Rusmiru Sendiću i ministar je na pitanje poslanika Mehmedića dao kratak odgovor.

**Skupština je, jednoglasno (24 za), donijela sljedeće ZAKLJUČKE:**

1. Utvrđuje se Nacrt Zakona o rudarstvu Kantona Sarajevo;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **60 dana.**
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.

- 4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o rudarstvu Kantona Sarajevo.**

Ministar privrede Rusmir Sendić, se kratko obratio Skupštini i njegovo obraćanje je u Stenogramu ove sjednice.

**AD – 7.**

## **NACRT ZAKONA O IZMJENAMA I DOPUNAMA ZAKONA O VISOKOM OBRAZOVANJU**

Nacrt ovog Zakona poslanici su dobili uz poziv za sjednicu.

Uvodne napomene podnio je ministar za obrazovanje, nauku i mlade Emir Suljagić i njegovo izlaganje je u prilogu Stenograma ove sjednice.

Nakon uvodnog izlaganja ministra Emira Suljagića, pojedini poslanici su postavili pitanja u vezi Nacrta ovog zakona. Pitanja su postavili sljedeći poslanici: Zaim Backović, Hanka Vajzović, dopredsjedavajući Kemal Ademović, Dževad Rađo, Izudin Bajrović i Alić Haris.

Ministar za obrazovanje, nauku i mlade Emir Suljagić dao je odgovore na pitanja poslanika i njegovo izlaganje je u Stenogramu ove sjednice.

Nakon izlaganja ministra Suljagića, dopredsjedavajući Kemal Ademović je u vidu replike postavio dodatna pitanja ministru, na koja mu je on odmah i dao odgovor.

Diskutanti po ovoj tački dnevnog reda, poslanik Predrag Kojović, dopredsjedavajući Kemal Ademović, poslanik Eldar Čomor, poslanik Haris Alić, poslanik Dževad Hodžić, poslanik Zaim Backović, poslanica Hanka Vajzović, poslanik Munir Talović, poslanik Enes Zeković, poslanik Naser Nabil i naposljetku poslanik Elmedin Konaković, su kroz širu i kraću diskusiju dali svoje komentare, te postavili pitanja za ministra i dali svoje prijedloge za ovaj Nacrt zakona.

Obzirom da više nije bilo prijavljenih predsjedavajuća Mirjana Malić je zaključila raspravu, te pozvala ministra Emira Suljagića da se obrati poslanicima ukoliko to želi.

Nakon zaključene rasprave po ovoj tački dnevnog reda, ministar za obrazovanje, nauku i mlade Emir Suljagić se obratio Skupštini i njegovo izlaganje je sastavni dio Stenograma ove sjednice.

**Nakon rasprave, Skupština je, većinom glasova (28 za i 1 protiv), donijela sljedeće ZAKLJUČKE:**

- 1. Utvrđuje se Nacrt zakona o izmjenama i dopunama Zakona o visokom obrazovanju;**

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 60 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izmjenama i dopunama Zakona o visokom obrazovanju.

**AD -8.**

**PRIJEDLOG ODLUKE O DAVANJU SAGLASNOSTI UNIVERZITETU U SARAJEVU DA OPĆINA CENTAR SARAJEVO UTVRDI PRAVO VLASNIŠTVA NA PREDMETNOM ZEMLJIŠTU U SVRHU LEGALIZACIJE IZGRAĐENOG STAMBENOG OBJEKTA, UZ PLAĆANJE NAKNADE PREMA PROCIJENJENOJ TRŽIŠNOJ VRIJEDNOSTI ZEMLJIŠTA**

**Bez rasprave, Skupština je jednoglasno (25 za) DONIJELA ODLUKU O DAVANJU SAGLASNOSTI UNIVERZITETU U SARAJEVU DA OPĆINA CENTAR SARAJEVO UTVRDI PRAVO VLASNIŠTVA NA PREDMETNOM ZEMLJIŠTU U SVRHU LEGALIZACIJE IZGRAĐENOG STAMBENOG OBJEKTA, UZ PLAĆANJE NAKNADE PREMA PROCIJENJENOJ TRŽIŠNOJ VRIJEDNOSTI ZEMLJIŠTA**

Predsjedavajuća Malić je informisala da je u skladu sa dogovorom na Kolegiju, Prijedlog odluke kojom se odobrava prenos dionica Hidrogradnje, povučen za narednu sjednicu.

**AD –10. do AD -22.**

Obzirom da prijedlozi ovih odluka regulišu istu materiju, a odnose se na usklađivanje statusa javnih komunalnih preduzeća i javnih preduzeća Kantona Sarajevo sa Zakonom o javnim preduzećima u Federaciji Bosne i Hercegovine, predsjedavajuća Mirjana Malić je predložila se obavi jedinstvena rasprava po tačkama od AD – 10. do AD -22. a da se izjašnjavanje obavi pojedinačno.

**Skupština je jednoglasno prihvatila prijedlog da se po tačkama od AD – 10. do AD -22. obavi glasanje u paketu.**

**Bez rasprave, Skupština je jednoglasno (26 za) donijela Odluke o izmjenama i dopunama odluka o usklađivanju statusa javnih preduzeća od tačke 10 do tačke 22:**

10. Odluku o izmjenama i dopunama Odluke o usklađivanju statusa DD PD "Butmir" Ilidža, Sarajevo sa Zakonom o javnim preduzećima u Federaciji Bosne i Hercegovine;
11. Odluku o izmjenama Odluke o usklađivanju statusa Javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine;

12. Odluku o izmjenama Odluke o usklađivanju statusa Kantonalnog šumskog privrednog društva za gospodarenje državnim šumama "Sarajevo-šume" d.o.o. Sarajevo sa Zakonom o javnim preduzećima u Federaciji Bosne i Hercegovine;
13. Odluku o izmjenama Odluke o usklađivanju statusa Kantonalnog javnog preduzeća "ZOI '84" – Olimpijski centar Sarajevo d.j.l. Sarajevo sa Zakonom o javnim preduzećima u Federaciji Bosne i Hercegovine;
14. Odluku o izmjenama Odluke o usklađivanju statusa Kantonalnog javnog preduzeća Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine;
15. Odluku o izmjeni Odluke o usklađivanju statusa Kantonalnog javnog komunalnog preduzeća "Vodovod i kanalizacija" d.o.o. Sarajevo sa Zakonom o javnim preduzećima u Federaciji BiH;
16. Odluku o izmjeni Odluke o usklađivanju statusa Kantonalnog javnog komunalnog preduzeća "Pokop" d.o.o. Sarajevo sa Zakonom o javnim preduzećima u Federaciji BiH;
17. Odluku o izmjeni Odluke o usklađivanju statusa Kantonalnog javnog komunalnog preduzeća "Rad" d.o.o. Sarajevo sa Zakonom o javnim preduzećima u Federaciji BiH;
18. Odluku o izmjeni Odluke o usklađivanju statusa Kantonalnog javnog komunalnog preduzeća "Park" d.o.o. Sarajevo sa Zakonom o javnim preduzećima u Federaciji BiH;
19. Odluku o izmjeni Odluke o usklađivanju statusa Kantonalnog javnog komunalnog preduzeća "Sarajevogas" d.o.o. Sarajevo sa Zakonom o javnim preduzećima u Federaciji BiH;
20. Odluku o izmjeni Odluke o usklađivanju statusa Kantonalnog javnog komunalnog preduzeća za proizvodnju i distribuciju toplotne energije "Toplane - Sarajevo" d.o.o. Sarajevo sa Zakonom o javnim preduzećima u Federaciji BiH;
21. Odluku o izmjeni Odluke o usklađivanju statusa Kantonalnog javnog komunalnog preduzeća "Tržnice - pijace" d.o.o. Sarajevo sa Zakonom o javnim preduzećima u Federaciji BiH;
22. Odluku o izmjeni Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine

Obzirom da predlagač nije bio prisutan Vlada je povukla **AD 23. ODLUKU O OBAVEZNOJ PREVENTIVNOJ SISTEMATSKOJ DERATIZACIJI NA PODRUČJU KANTONA SARAJEVO SA PROGRAMOM OBAVEZNE PREVENTIVNE SISTEMATSKE DERATIZACIJE NA PODRUČJU KANTONA SARAJEVO KOJI JE SASTAVNI DIO ODLUKE.**



Rad na Jedanaestoj Radnoj sjednici Skupštine Kantona Sarajevo je okončan u 20,40 sati.

SEKRETAR

SKUPŠTINE KANTONA

Abid Kolašinc, dipl.pravnik

PREDSJEDAVAJUĆA

SKUPŠTINE KANTONA

Prof.dr. Mirjana Malić

Sastavni dio ovog zapisnika su stenografske bilješke, audio i CD snimak sjednice, koji se čuvaju u Službi za skupštinske poslove Skupštine Kantona Sarajevo.